


**AFERE**

Nastavlja se istraga SIPA-e u CIK-u

# Odbijen prigovor 'Zrinskog', provjera i Dodikove uloge

Prvobitno najpovoljniji ponuđač za štampanje glasačkih listića, sada ima rok od pet dana da podnese žalbu



Zgrada CIK-a: SIPA analizira dokumentaciju

Pripadnici Državne agencije za istrage i zaštitu (SIPA) i jučer su po naredbi Tužilaštva BiH nastavili s provjerama u predmetu koji se odnosi na istragu u vezi s odabirom najpovoljnijeg ponuđača za štampanje glasačkih listića za oktobarske opće izbore u BiH, a u postupku koji provodi Centralna izborna komisija (CIK) BiH.

## Bez komentara

- Nastavljamo svoje aktivnosti, a u cilju realizacije naredbe Tužilaštva BiH - reče nam je jučer u SIPA-i.

U međuvremenu, u CIK-u je na jučerašnjoj sjednici u Sarajevu kao neosnovan odbijen prigovor hrvatske kompanije „Zrinski“, koja se usprotivila odluci o svojoj eliminaciji iz posla štampanja i pakovanja glasačkih listića, koji je kao najpovoljniji ponuđač ova kompanija dobila na međunarodnom tenderu.

- Oni sada imaju rok od pet dana da se na našu odluku žale Uredu za razmatranje žalbi BiH - kratko su kazali jučer u CIK-u, navodeći da na sjednici nisu ra-

zmatrana druga pitanja ni donošene druge odluke.

Osim dokumentacije iz CIK-a i Ureda za razmatranje žalbi BiH, SIPA će se, saznajemo, pozabaviti i ponudama koje su ranije dostavili „Zrinski“ i banjalučki „Atlantik BB“.

## Izborni materijal

Ova firma, osim što je ponudila da izborni materijal odštampa za 250.000 KM

**Od početka istrage koju je naložilo Tužilaštvo, u CIK-u ne žele komentirati novonastalu situaciju, uz opasku „neka svako radi svoj posao“.**

veći iznos od prvobitno najpovoljnijeg ponuđača, za istražitelje bi mogla biti sporna zbog odabira podugovarača poslova.

U ovom slučaju to je „Službeni glasnik RS“, koji je pod ingerencijom Vlade RS. Prema nezvaničnim saznanjima, istraživat će se i navodne veze vlasnika „Atlantika BB“ s Miloradom Dodikom, predsjednikom RS i SNSD-a. **S. D. - M. Aš.**